

Date – 14/08/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. India ram zalenna ni vawi 79-na lawm turin Mizoramah inbuatsaihna engkim peihfel a ni tawh a, venhimna pawh khauh taka kalpui tan a ni.
2. Lai Autonomous District Council Sawrkar CEM Pu V.Zirsanga'n banna a thehluk avangin ZPM Sawrkar chu a tla.
3. Jammu & Kashmir-a Kishtwar district-a ruah bawhawk sur avanga chhiatna thlengah mi 10 an thi.
4. Kumin Independence Day ah Police, Fire, Home Gaurd, Civil Defences and Correctional Services mi 1090 hnenah chawimawina sem a ni dawn.

<><><>

I-DAY PREP

India ram zalenna ni vawi 79-na lawm turin Mizoramah inbuatsaihna engkim peihfel a ni tawh a, venhimna pawh khauh taka kalpui tan a ni.

Independence Day lawmna tur hi boruak muanawm tak hnuai a hman anih theih nan hian Aizawlah chuan vawiin atang khan Police te chu Lammualah Duty in zan lammual duty bakah zan patrolling, Raj Bhavan atanga Bazar Bungkawn thleng in dah tih Aizawl SP Pu Rex Vanchhawng chuan a sawi a ni.

Kan corr report lo ngaithla ang.

VC : Independence Day lawmna pui ber Aizawl Lammuala neih turah hian Police Duty dah an ni a - Chief Minister Bangalow atanga Lammual Route Lining, High Rise Building Duty hmun 25, Lammual chhung leh pawn duty, Lammual atanga Raj Bhavan ahte dah an ni a. Heng hmuna Police Duty atan hian Gazetted Officer 7 bakah Aizawl District Police atang Police 121 bakah Battalion atang mi 110, avaiin Police chi hrang 223lan duty dawn a ni.

Independence Day pual hian Ministry of Home Affairs (MHA) chuan Mizoram Police Officer pathum hnenah Police hnathawk tha te chawimawina sang President's Police Medal hrang hrang a hlan a President's Police Medal For Distinguished Service chu Pu Lalringdika, MPS, 3rd Bn. Commandant chuan a dawng a, Police Medal For Meritorious Service chu Pu Stephen Lalrinawma, MPS, SP CID(SB) leh Inspector. TC Zothansanga te hnenah hlan a ni bawk.

Larsap Dr Vijay Kumar Singh a chuan India ram zalenna ni vawi 79-na pualin Mizoram mipuite chibai a buk a, thangtharte chu state pawnah eizawwna kawng hrang hrang dap tur leh intuaihriama ram leh hnam tana tha thawhtu nih tum turin a chah a. India rama ziak leh chhiar thiam vekna State hmasa ber dinhmun Mizoram a hauh chu a lawmpui takzet tih sawiin, he mel lung pawimawh tak hi thiamna leh hmasawwna kawnga Mizoram mipuite tanrualna rah a ni a ti.

Larsap chuan India ramin zalenna a hmuh atanga kum 80 hnaihah Mizoram chu National Rail Network nena thlunzawm a ni chu lawmawm a tih thu sawiin, hei hian thil siam chhuahna, sumdawwna leh thil hralh chhuah tipungin hnam inpumkhatna thar thawh kawngah hmasawwna chak zawk a siam dawn a ni a ti a.

Larsap chuan tunhnaia India Information Service (IIS) Officer tling thar Andrew Lalehhandama thinlung takin a lawmpui tih sawiin, a hlawhtlinna chan chu midangte fuih phurtu a ni a ti.

Larsap thusawi hi naktuk zing dar 6 leh a chanveah Akashvani, Aizawlah tihchhuah a ni ang.

Corr: Maremi

<><><>

HAR GHAR TIRANGA

Tukin khan sorkar ruahmanna in Khawzawl Taidawnkawn atanga DC office thleng Har Ghar Tiranga Rally neih a ni a, Khawzawl Joint VC President, Pu C. Vanlalzawna'n a kaihruai.

He hunah hian Khawzawl Govt. High School, Govt. MS, Govt. LF school, Govt. Higher Secondary School, PES Khawzawl te leh PES Vengthar zirlai naupangte leh zirtirtute an tel a, heng bakah hian DC staff te an tel baw k a ni.

(Corr)

<><><>

LADC FLOOR TEST

Lai Autonomous District Council Sawrkara CEM Pu V.Zirsanga'n banna a thehluh avangin ZPM Sawrkar chu a tla.

Wawiin zing dar 10:30 khan LADC Chairman Pu T. Zakunga kaihruaina hnuai, LADC Session neih a ni a, Governor thupek angin CEM Pu V. Zirsanga chuan House-ah thlawptu Member a ngah taw k leh taw k loh fiah tura tih a ni a, Pu V. Zirsanga chuan, LADC Chairman kaltlanga banna a thehluh avangin floor test neih ngai lovin, LADC Chairman hian House-ah CEM banna a chhiar chhuak a, Pu V. Zirsanga kaihruai Executive chu a tla tih a puang a ni.

Kan corr report lo ngaithla ang.

LADC Chairman Pu T. Zakunga chuan Pu V. Zirsanga kaihruai Executive chu a tla tih a puan hnu hian thusawiin, LADC chu CCB Rules hmangin rorelna kalpui a lo ni taw h thin a, member nei tam apiang in Sorkar-na an chang thin tih a sawi a ni. LADC ah Sokar mumal lovin hun rei tak an awm chu paw i a tih thu a sawi a, tuna Member-te hian ram mipu ite demna an taw k nasa chu paw i a ti takzet a ti a, Hotute hi Pathian ruat an nih angin, rinawm taka awm taw h tur leh, Lairam tana theihtawp chhuah theuh turin a sawm a. hemi hnu hian tiamchin awm lovin Session chu a ti tawp zui nghal ani.

Wawina Session neih zaw h hnuah, BJP, MNF leh INC tangkawp United Democratic Alliance ten Leadera an thlan Pu N.Zangura, M.Kawnpui bialtu chuan , tun din hmunah member 14 an neih mek thu leh LADC a Sawrkarna siam turin hma an lak nghal tur thu a sawi a ni.

<><><>

GOVERNOR

Larsap, Gen (Retd) Vijay Kumar Singh-an School Education Department Secretary Pu David Lalthantluanga leh hotu dangte chu Raj Bhavan-ah kawmin, Sawrkar laipui scheme hrang hrang kalpui dan, State education dinhmun, department hmalakna leh hmachhawp tlangpuite a sawipui.

Larsap chuan Mizo mipu ite chu central sorkar din Eklavya Model Residential School, Kendriya Vidyalaya, Sainik School leh Jawahar Navodaya Vidyalaya-te chhaw r tangkai tum turin a chah a. An kalzelna tura puitu turin zirlaite thinsungah thiamna tak tak tuh a tul thu leh school tha leh pan awlsam chhawp chhuah sak a tul thu a sawi baw k.

He hunah hian School Education Secretary Pu David Lalthantluanga chuan Department chanchin, dinhmun tlangpui leh hmalaknate a sawifiah a, zirna tihmasawn leh zirtirtu indaihlohna puhruk kawngah Sawrkarin theihtawp chhuaha hma a lak chhoh mek zel thu a sawi baw k.

(DIPR)

<><><>

MTOA PIL

Mizoram Truck Owners Association (MTOA) in Mizoram chaklakna kawngpui chhe nasa lutuk avanga mipu ite tawrhna thleng chungchanga Public Interest Litigation (PIL) a thehluh chu Gauhati High Court-in a pawm a, sorkar chu insawifiah turin kar 4 chhung hun a pe.

MTOA tana din saktu ukil, Rosalynn L Hmar chuan Durtlang kaltlanga Aizawl – Kolasib – Kolasib – Silchar Durtlang, kawngpui kilometre 180 a thui chu hun rei taw h tak atangin siam leh enkawl a ni lo tih an sawi a. Hei bakah hian Kawnpui – Bualpui – Sethawn – Thingdawl – Kolasib – Rengtekaw n – Bilkhawthlir – Chhimluang – Vairengte inkar kawngpui kilometre 54.00 atanga kilometre 132.00 a thui chu a chhe hle a ti baw k a. Mamit kaltlanga Aizawl atanga Kanghmun inkar, Dapchhuah – Dampui – Mamit – Bawngva – Darlak – Tuidam – Kawrthah – Rengdil – Zamuang – Zawlnuam - Bungthuam – Luimawi – Kanhmun – Saicherra –Kawrthawveng - Bungghmun – Serhmun – Tuilukaw n kawngpui

kilometre 189 a thui pawh a chhe hle a ti a. Lunglei atanga Tlabung inkar Hauruang – Pachang – Phairuang – Rotlang West – Lungsen –Tuichhawng – Tlabung kawngpui kilometre 97 a thui, National Highway 302 ni bawk, NHIDCL enkawl mek chu a chhe hle tih a sawi bawk a, mipui tawrhna nasa takin a thleng a ni an ti.

(CORR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

C DINTHANGA CELEBRATION

Mizo hla phuah thiam leh zaithiam Pu C. Dinthanga chawimawina hun - In Honor of Excellence : A Celebration of C. Dinthanga's Legacy in Music chu ICFAI University, Mizoram buatsaihin vawiin khan Durtlanga ICFAI University ah hman a ni.

Pu C. Dinthanga chuan Mizo te zingah zaithiam ten hriat an hlawh em em laiin hla phuah thiam te erawhin hriat an hlawh lutuk loh thu sawiin; a puala hun an buatsaih chu lawmawm a ti a. Hnam inpumkhatna chungchangah hman atanga tun thlenga a tlangau thu a sawi. Kum 1976-a Mizorama All India Radio a lo chhuah tirh atang khan a ngai hlu hle a, an programme zawng zawng a ngaihthlak thin thu sawiin, All India Radio ah B high grade a nih thu a sawi a ni.

Byte: C. Dinthanga

Pu C. Dinthanga thu sawi ngaihthlak a nih bakah hian amah kawmna hun hman a ni a. Zirlai ni mek leh a chhuak tawh mi hrang hrang ten Pu C Dina hla phuah hrang hrang te an sak bakah zaithiam lar tak tak ten a hla an sa bawk a ni.

Corr: Maremi

<><><>

J&K

Jammu & Kashmir-a Kishtwar district-a ruah bawhawk sur avanga chhiatna thlengah mi 10 an thi. Kan Correspondent sawidanin vanduaina hi Paddar area chhunga Chositi thingtlang khuaah a ni a. Union Home Minister Amit Shaha chuan Jammu and Kashmir Lt.Governor Manoj Sinha leh Chief Minister Omar Abdullah te be nghalin thil thlen dan a zawtfiah a. Pu Shah-a chuan social media lama a tarlan dangin chhanchhuah hna thawh nghal a ni a. NDRF te pawh chhiatna thlenna hmuna kal tura a hriattir thu sawiin sawrkar chuan uluk taka a vil zui tur thu a sawi a. Mipuiten chhawmdawlana an mamawh ang pek zel a tiam bawk a ni.

(Newsonair)

<><><>

IDAY AWARD

Kumin Independence Day ah Police, Fire, Home Gaurd, Civil Defences and Correctional Services mi 1090 hnenah chawimawina sem a ni dawn. Union Home Ministry sawidanin mi Gallantry award hi mi 233 pek a ni dawn a, President's Medal for Distinguished Service chu mi 99 hnenah pek a ni dawn a, Meritorious Service Medal mi 758 hnenah pek a ni bawk ang.

(Newsonair)

<><><>